



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

Quod Deus est vbiq[ue] sine locali modo. O. P. Q

**urn:nbn:de:hbz:466:1-38829**



brofius distantiam ostendens inter spiritum in-  
creatum, & spiritum creatum, dicit Seraphin de  
loco ad locum transire, inquit ita in lib. de Trin.  
Dixit Esaias, quia missus est ad me vnus de Sera-  
phin. Et spiritus quidem sanctus dicitur missus,  
sed Seraphin ad vnũ, spiritus vero ad omnes. Sera-  
phin mittitur in ministerio, spiritus operatur my-  
sterium, Seraphin de loco ad locum transit: nõ enim  
cõplet oĩa, sed ipse repletur à spiritu. Hic aperte  
ostenditur quod angeli quodãmodo locales sunt.  
*Cum repetitione superiorum confirmat autoritatibus Deum  
esse vbique sine locali motu.* O

Fateamur itaque diuinam naturam pro im-  
mensitate sui nusquam deesse, eamq; solam om-  
nino illocalem, & omnino incircumscriptibilem  
nullo concludi loco, sed à fine vsque ad finem at-  
tingere nõ tamẽ spatiofa magnitudine, nec locali  
motu, sed immensitate a: que immobilitate suã  
essetie. Vnde Aug. ad Dardanum ait, Nõ quali spa-  
tiosa magnitudine opinemur Deum per cuncta  
diffundi, sicut fumus aut lux ista diffunditur, sed  
potius sicut in duobus sapientibus quorum alter altero  
corpore grandior est, sed sapientior non est: vnã  
sapientia est, nec est in maiore maior, nec in mino-  
re minor, nec minor in vno quã in duobus, ita Deus  
sine labore reges & continet mundum, in celo totus  
est, in terra totus, & in vtroq; totus, & nullo con-  
tinentus loco, sed in seipso vbique totus. Idẽ quoq; su-  
per Psalmum, ait: Ad verbum Dei pertinet non es-  
se in parte, sed vbique esse per seipsum. hæc enim est  
sapientia Dei, quæ attingit à fine vsq; ad finem for-  
titer, nõ tamẽ motu locali, sed immobilitate sui:  
veluti si moles aliqua saxea impleat aliquẽ locum,  
dicitur qd attingit à fine illius loci vsq; ad finẽ, cum  
tamen alterum nõ deserat alterum occupado. nõ  
ergo habet motum localem verbum illud, & sapien-  
tia illa solida est & vbique. Ex prædictis innotescit,  
P quod

*Ambr 20. 2.  
libr. de spi-  
ritu sancto  
primo Cap.  
10. in princ.  
Esaiã. 6. c.*

*Tom. 2. epi.  
37. non lon-  
ge à princ.*

*ibidẽ in fe-  
rius.*

*Ad versum  
4. Psal. 147.  
Super illud  
velociter  
currit sermo  
eius. In to-  
mo 8.*



quod Deus est ita vbiq̄ue per essentiam, quod nec  
spatioſa magnitudine diffunditur, nec vno deſer-  
to loco alium occupat, quia localem motum non  
habet. Ideo q̄ Aug. volens præſcindere à Dei puri-  
tate omnem localem motum, & localem circum-  
ſcriptionem, potius dicit omnia eſſe in illo quam  
ipſum eſſe alicubi, nec tamen ipſum eſſe locum  
qui non eſt in loco, in lib. 83. quaſt. ita inquit  
Deus non alicubi eſt: quod alicubi eſt, continetur  
loco: quod cōtinetur loco corpus eſt. De⁹ aut̄ non  
eſt corpus: nō ergo alicubi eſt, & tamē quia eſt, &  
in loco non eſt, in illo ſunt potius omnia quam il-  
le alicubi: nec tamē ita in illo, vt ipſe ſit locus. Lo-  
cus enim in ſpatio eſt, q̄ longitudine & latitudine,  
& altitudine corporis occupatur: nec De⁹ tale ali-  
quid eſt: & omnia ergo in ipſo ſunt, & locus non  
eſt, nec in loco eſt: locus tamē Dei, ſed improprie  
dicitur tēplū Dei, q̄ ei præſens ſit, nō q̄ eo conti-  
neatur. Id aut̄ nihil melius quam anima mundi  
intelligitur. Ecce hic dicit Deam non eſſe in loco  
ſed intelligēdū eſt Deū nō eſſe in loco localiter, ſed  
quia nec circūſcriptionē nec localem motū habet.

*Oppoſitio, qua videtur probari quod Deus  
mutetur loco.*

Ad hoc autem ſolet opponi ſic: quotidie ſunt  
creaturæ quæ ante non erant, & in eis De⁹ eſt cum  
ante non eſſet in eis: eſt ergo vbi ante non erat,  
ideoq; mutabilis eſſe videtur. Sed licet quotidie in-  
cipiat eſſe in creaturis, in quibus ante non erat,  
quia illæ non erant: hoc tamen ſine ſui muta-  
tione, qualiter in mūdo capit eſſe quē fecit, tamē  
ſine ſui mutabilitate & ſimiliter deſinit eſſe in  
quibus ante erat ſine ſui mutatione: nec tamen ip-  
ſe deſerit locum, ſed locus deſinit eſſe.

*Epilogus, vbi exponitur quare in prædictam venerit  
diſceptationem.*

Jam ſufficiēter demonſtratū eſſe videtur, quo-  
modo

*In tom. 4.  
quaſt. 20. in  
principio.*

mod  
nibus  
ſufce  
qua  
nim  
mus  
pter  
rentu  
ceret  
præm  
HIC

N  
to  
entia  
tam  
b  
pient  
bus &  
etiā d  
quaſt  
preſc  
vel pr  
cauſa  
medi  
Deus  
Deus  
ea no  
ipſa p  
eueni  
re, cu  
ſcita  
entia  
venit  
eorum  
ſcient



modo omnia dicantur esse in Deo, & Deus in omnibus, quam disceptationem quasi incidenter suscepimus, quia id videbatur postulare res circa quam noster versabatur sermo, differebamus enim de scientiâ sine sapientia Dei: & cum dicemus Deum scire omnia, quæsitum est vtrum propter cognitionem quam de omnibus habet, dicerentur omnia esse in Deo, an alia ratione hoc diceret scriptura. Huius ergo quæstionis occasio in præmissam nos deduxit disputationem.

*Epilogus.*

HIC REDIT AD PROPOSITUM, REPETENS SUPERIUS DICTA UT ADDAT ALIA.

D I S T I N C T. XXXVIII. A

Nunc ergo ad propositum reuertentes cœp-  
to insistamus. Suprà dictum est, quod præsci-  
entia Dei futurorum tantum est, sed omnium,  
tam bonorum, quam malorum. Scientiâ. vel sa-  
pientiâ nō modo de futuris, sed etiâ de presenti-  
bus & futuris: nec tantum de temporalibus, sed  
etiâ de æternis, quia seipsum nouit De<sup>9</sup>. Hic oritur  
quæstio nō dissimulanda, vtrum sc. il. scientia vel  
præscientia sit causa rerū, an res sint causæ scientiæ  
vel præscientiæ Dei. Videtur enim præscientia Dei  
causa esse eorū quæ ei subsunt, ac necessitatē eue-  
niendi eis facere: quia nec aliqua futura fuissent, nisi  
Deus ea præscisset, non possunt non euenire, cum  
Deus ea præsciuerit. Si autem impossibile est  
ea non euenire, quia præscita sunt: videtur ergo  
ipsa præscientia, quæ præscita sunt, eis esse causa  
eueniendi. Impossibile est autem ea non eueni-  
re, cum præscita sint: quia si nō euenirent cū præ-  
scita sint, falleretur Dei præscientia. At Dei præsci-  
entia falli nō potest. Impossibile est ergo ea nō e-  
uenire, cū præscita sint. Sic ergo præscientia causa  
eorum esse videtur quæ præscita sunt. Hoc idē & de  
scientia dicitur, scilicet quod quia De<sup>9</sup> aliqua no-  
uerit;

*De modis  
diuina sciē-  
tia vel cog-  
nitionis.*

*Quare sciē-  
tia vel præ-  
scientia vi-  
detur causa  
rerum.*

